Kaisers. – Trauung Catharinas v. Brandenburg und Gabriel Bethlens v. Siebenbürgen durch Prokuratoren in Berlin; Catharinas geplanter Zug nach Kaschau. – Barclay.

Q LHA Sachsen-Anhalt/ Oranienbaum: Abt. Bernburg A 10 Nr. 1, 1 Bl., Bl. 18rv; eigenh.

A Fehlt.

Monsieur mon tresaymé nepveu, ie vous remercie du bon souhait, qu'il vous plaist me donner a ce nouvel an, vous desirant et a Madame vostre compagne2 tout le bonheur, que scauriez attendre. Je ne vous ay respondu plustost sur la vostre du 6.ª de Janvier,3 vue que ie me suis mis incontinent, a vous faire avoir un des livres a moy demandéz; Car pour le Bartas traduict en rimes Allemans, il faudra avoir patience, iusques a ce que ie sois retourné a Cöten, de la ie vous envoyeray, s'il plaist a Dieu, la seconde sepmaine, L'Uranie, la Judit, la Lepanthe, et la bataille d'Yvri:4 Car pour La première sepmaine5 elle est bien aussi faicte, mais ie ne pense pas qu'elle soit encores imprimée. Joinct cestecy vous trouverez La postille de Scultetus,6 et si ce ministre la,7 duquel vous faictez mention, voulust rendre icelle François, ce bon et docte personnage de bonne memoire eust bien merité autant, oultre les bonnes dispositions des presches, et les profitables et sainctes matieres qui s'y trouvent. Je m'esiouis avec vous de ce qu'avez obtenu vostre demande, de monsieur vostre pere, touchant vostre pension annuelle,8 Quant a l'autre concernante vostre soeur La princesse Louyse,9 vous aurez entendu de ma precedente, par laquelle ie vous respondis incontinent, que mon frere n'y condescendra pas, tellement que vous nous tiendrez aussi pour excusez; Nous faisons estat de partir sur le commencement d'Avril d'icy, et visiterons en chemin Madame mab belle et vostre mere grande10 de Schüttorf, en attendans a cest effect des lettres de passage de Brusselles, ainsi que i'ay en main celles du General Duc de Friedland;11 Au pays il n'y va pas le mieux, i'v serois retourné plustost, n'eust este, que ma maladie 12 m'en empeschoit, et maintenant les medicins conseillent, de ne voyager plustost qu'au temps mentionné cy dessus. On a retranché Le pont de Dessa, et en Dessa il y a de la garnison, on passe quasi toutes les sepmaines par mes bailliages, ruine les sujets, et contraint ceux du bailliage de Warmsdorf, 13 lesquels ont souffert le plus, de porter certaine quantité de vivres es quartiers dans L'Evesché de Alberstadt. 14 Or la multitude des gens de guerre va accroissant, c par l'arrivée des nouvelles trouppes, tellement que nostre estat est si miserable, qu'il n'a esté, crois ie, passé cent ans, Dieu y envoye quelque meilleurissement, Or sur la matiere de patience, qu'il faut avoir en ces tribulations, i'ay escrit une description^c bien ample au livre susdict, tiré de l'Accademie Françoise¹⁵ de la Primau-[18v]daye, d ce que ne trouverez pas mal; J'ay quasiment parachevé, iceluy livre, avec vostre sœur; et me delecte aussi des œuvres de Moulin, 16 quant aux choses spirituelles: Pour les temporelles i'ay receu maintenant de tresbeaux livres, a scavoir les lettres et negociations des Cardinaulx de Perron¹⁷ et d'Ossat, ¹⁸ comme aussi les memoires de Monsieur de Villeroy, 19 certes dignes d'estr[e] leus et estudiez, de ceux qui veulent cognoistre le monde. Vous aurez par de